

經
傳
釋
詞

經傳釋詞第九

高郵王引之

終 果

家大人曰終詞之既也僖二十四年左傳注曰終猶已也己止之己曰終因而已然之己亦曰終故曰詞之既也詩終風日終風且暴毛傳曰終日風爲終風韓詩曰終風西風也此皆緣詞生訓非經文本義終猶既也言既風且暴也

箋曰既竟日風矣而又暴疾此因經文下有且字故增既字以成其義而不知經文之終卽既也爾雅曰南風謂之凱風東風謂之谷風北風謂之涼風西風謂之泰風其輪謂之殽迴風爲飄以上六句通釋詩詞而不及終風又曰日出而風爲暴風而雨土爲霾陰而風爲愷以上三句專釋此詩而亦不

及終風則終為語詞明矣下丈終
風且蠶終風且睦義並與此同
燕燕曰終溫且惠淑

慎其身言既溫且惠也
正義曰終當顏色溫
北門曰終

寔且貧莫知我艱言既寔且貧也
箋曰君於己祿薄終不足以為體又近困

於財伐木曰神之聽之終和且平言既和且平也
那曰既和

且平是也箋曰神若聽之使得如
志則友終相與和而齊功也失之
甫田曰禾易長畝終

善且有言既善且有也
正義曰終至成善
正月曰終其

永懷又箴陰雨言既長憂傷又仍陰雨也
箋曰終王之

憂傷矣又將仍終與既同義故或上言終而下言且或
憂於陰雨失之

上言終而下言又說者皆以終為終竟之終而經文上

下相因之指遂不可尋矣又葛藟曰終遠兄弟謂他人

父言既遠兄弟也

傳曰兄弟之道已相遠箋曰今已遠棄族親已亦既也正義曰王終是遠

於兄弟失傳

鄭揚之水曰終鮮兄弟維予與女言既鮮

兄弟也

箋曰後竟寡於兄弟之恩訓終為竟失之

定之方中曰卜云其吉終

然允臧然猶而也

見然字下

言既而允臧也

此言文公既遷而得吉信如卜

所云也終然猶既而也列女傳節義傳曰咎吾先君莊王淫樂三年不聽政事終而能改卒霸天下言既而能改也正義曰終然信善非直當今而已則誤以終為終竟之終矣說者以終為終竟亦

失之引之謹案載馳曰許人尤之眾穉且狂眾讀為終

古字多借眾為終史記五帝紀怙終賊刑徐廣曰終一作眾詩振鸞以永終譽後漢書崔駰傳終作眾韓策臣使人刺之終莫能就終既也穉驕也管子重令篇工以史記刺客傳終作眾終既也穉驕也離文刻鏤相穉尹知章注穉驕也莊子列禦此承上文而言女子善懷亦

各有道是我之欲歸未必非也而許人偏見輒以相尤則既驕且妄矣蓋自以爲是驕也以是爲非妄也毛公不知衆之爲終而云是乃衆幼穉且狂許之大夫豈必人人皆幼邪

誰

說文曰誰何也常語

爾雅曰誰咎咎也郭注曰誰發語辭詩墓門曰知而不已誰咎然矣鄭箋用爾雅邵氏二雲爾雅正義曰釋詁云疇誰也誰疇一聲之轉詩言誰咎猶檀弓言疇咎之夜也故爲發語辭

孰

爾雅曰孰誰也常語

孰猶何也家大人曰孰誰一聲之轉誰訓爲何故孰亦

訓爲何晉語曰惠公出其世子而改葬之臭達於外國

人誦之曰孰是人斯而有是臭也孰何也斯詞也言何

是人而有是臭也

韋注孰誰也斯斯世子也誰使是人有是臭者言惠公使之也於傳意不

合越語曰孰是君也而可無外乎言有君如是何可不

爲之外也

韋注孰誰也誰有恩惠如是君者可不爲之外乎亦未合

昭二十五年公

羊傳曰孰君而無稱言何君而無稱也論語八佾篇曰

是可忍也孰不可忍也楚辭九章曰孰兩東門之可蕪

呂氏春秋知接篇曰孰之壤壤也可以爲之莽莽也

兩

字皆訓爲是

孰字竝與何同義又大戴禮曾子制言篇曰則

雖女親庸孰能親女乎庸孰皆何也

盧辯注庸用也孰誰也皆失之互見

庸字

連言庸孰者古人恆有複語若莊子言庸詎矣又

書傳中言孰與者皆謂何如也廣雅曰與如也秦策曰

秦昭王謂左右曰今日韓魏孰與始強對曰弗如也王

曰今之如耳魏齊孰與孟嘗芒菲之賢對曰弗如也齊

策曰田侯召大臣而謀曰救趙孰與勿救趙策曰趙王

與樓緩計之曰與秦城何如不與

今本不與下衍何如二字辯見讀書雜誌

是孰與卽何如也故漢書司馬相如傳楚王之獵孰與

寡人史記作何與寡人

者 諸

說文者別事詞也或指其事或指其物或指其人或言

者或言也者

禮記檀弓魯人有周豐也者

皆常語也又為起下之詞

或上言者而下言也或上言也者而下言也

易繫辭傳負也者小

人之事也乘也者君子之器也

亦常語也字或作諸禮記郊特牲曰不

知神之所在於彼乎於此乎或諸遠人乎或諸即或者

僖九年左傳曰以是藐諸孤藐小也

見廣雅

藐諸即藐者

藐者孤猶言贏者陽耳

杜以藐為縣藐諸為諸子非是辨見經義述聞

爾雅釋

魚龜俯者靈仰者祿前弁諸

句

果後弁諸

句

獵諸亦者

字

者猶也也禮記射義射之爲言者繹也猶曰射之爲言也繹也鄭語公曰周其獎乎對曰殆於必獎者言殆於必獎也又書傳中凡言何者者竝與何也同義論語陽貨篇惡紫之奪朱也惡鄭聲之亂雅樂也惡利口之覆邦家者者與也亦同義故皇侃本作惡利口之覆邦家也

諸

士昏禮記注曰諸之也常誼

鄉射禮注曰諸於也亦常誼

小爾雅曰諸乎也詩日月日居月諸照臨下土毛傳
日日乎月乎照臨之也禮記祭義曰齊齊乎其敬也愉
愉乎其忠也勿勿諸其欲其饗之也又曰孝弟發諸朝
廷行乎道路至乎州巷放乎獫狁修乎軍旅諸亦乎也
互文耳故祭義勿勿諸其欲其饗之也禮器諸作乎樂
記理發諸外祭義諸作乎

諸之乎也急言之曰諸徐言之曰之乎禮記檀弓曰吾

惡乎哭諸又曰書云高宗三年不言言乃謹有諸

凡言有諸

者故

文王世子曰君王其終撫諸僖二十三年左傳曰

天其或者將建諸論語雍也篇曰山川其舍諸此皆之

乎二字之合聲

諸語助也文五年左傳皋陶庭堅不祀忽諸服注曰諸

辭

見詩邶柏舟正義

之

之言之間也若在河之洲之屬是也常語也

之指事之詞也若左右流之之屬是也亦常語

之是也故爾雅曰之子者是子也亦常語

之猶諸也諸之一聲之轉禮記少儀曰僕者負良綏申

之面拖諸髀孟子滕文公篇曰禹疏九河淪濟漯而注

諸海決汝漢排淮泗而注之江之亦諸也互文耳故詩

伐檀篇寘之河之側兮漢書地理志寘之作寘諸襄二十六年左傳棄諸堤下五行志棄諸作棄之

之猶於也諸之一聲之轉諸訓爲於故之亦訓爲於禮記檀弓曰之歾而致歾之不仁之歾而致生之不知言於歾而致歾之則不仁於歾而致生之則不知也鄭訓之爲往失之大學曰人之其所親愛而辟焉言於其所親愛而辟也鄭訓之爲適亦失之大戴禮事父母篇曰養之內不養於外則是越之也養之外不養於內則是疏之也之亦於也互文耳

呂氏春秋音初篇注曰之其也書西伯戡黎曰殷之卽

喪言殷其卽喪也

微子曰今殷其淪喪

詩旄邱曰旄邱之葛兮何

誕之節兮上之字句中語助也下之字則訓爲其言旄

邱之葛何疏闊其節而不相附

毛傳義關也

以喻衛之諸臣

何多日而不相救也碩鼠曰樂郊樂郊誰之永號言樂

郊之民誰其悲歎而長號者明皆喜樂也

箋訓之爲禮往失之

記檀弓曰公再拜稽首請於尸曰有臣桡莊也者非寡

人之臣社稷之臣也聞之歎請往言聞其歎也郊特牲

曰天子樹瓜華不斂藏之種也言天子但樹瓜華以供

食而已不收藏其種以與民爭利也

正義曰不收斂昭久藏之種失之昭

十六年左傳曰斬之蓬蒿藜藿而共處之言斬其蓬蒿

藜藿也莊子至樂篇曰壽者惜惜久憂不歎何之苦也
言何其苦也荀子王制篇曰之所以接下之人百姓者
之所以其所以也詩采芣曰之子于狩言輟其弓之子
于釣言綸之繩之亦其也互文耳一切經音義一引易
注曰綸經理也綸之
繩理其
故孟子公孫丑篇天下之民皆悅而願爲之氓
周官載師注引此爲之氓作爲其民之可訓爲其其亦
可訓爲之互見其字下

之猶若也書般庚曰邦之臧惟女眾邦之不臧惟予一
人有佚罰言邦若臧邦若不臧也牧誓曰牝雞之晨惟
家之索言牝雞若晨也洪範曰臣之有作福作威玉食

其害于而家、凶于而國、言臣若有作福、作威、玉會也。金
縢曰：爾之許我，我其以璧與珪歸。侯爾命，言爾若許我，
也。又曰：我之弗辟，我無以告我先王。言我若弗辟也，僖
三十三年左傳曰：寡君之以爲戮，死且不板。若從君惠
而免之，三年將拜君賜。宣十二年傳曰：楚之無惡，除備
而盟，何損於好？若以惡來，有備不敗。成二年傳曰：大夫
之詐，寡人之願也。若其不許，亦將見也。皆上言之而下
言若之，亦若也。互文耳。荀子正名篇曰：假之有人欲南
而惡北，性惡篤曰：假之有弟兄資財而分者，假之，皆謂
假若也。

之猶則也僖九年左傳曰東略之不知西則否矣晉語曰華則榮矣實之不知之亦則也互文耳

之猶與也書立政曰文王罔攸兼于庶言庶獄庶慎惟

有司之牧夫又曰其勿誤于庶獄惟有司之牧夫皆謂

有司與牧夫也某氏傳曰惟慎擇有司牧夫而已考工記梓人曰必漢

其爪出其目作其鱗之而謂作其鱗與而也而頰毛也

鄭注之而頰頰也以之而二禮記月令曰天子親載耒

耜耨之于參係介之御閒謂係介與御者之閒也鄭注係介

車右也置耒於車右與御者之閒與字正釋之字段氏

若庸禮記校本謂之御當爲御之非也辨見經義述聞

文十一年左傳皇父之二子夙夷二子者公子穀甥司

寇牛父也言皇父與此二子皆外也

賈注曰皇父與穀甥牛父三子皆外

杜注

成十六年傳潘尫之黨襄二十三年傳申鮮虞之

傳摯謂潘尫與黨申鮮虞與傅摯也

之猶兮也昭二十五年左傳曰鸛之弼之公出辱之三
之字竝與兮同義

之語助也詩君子偕老曰玼兮玼兮其之翟也其之翟
其翟也之語助耳蓼莪曰鮮民之生不如夙之久矣言
不如夙久矣也禮記射義公罔之裘鄭注曰之發聲也
僖二十四年左傳介之推杜注曰之語助凡春秋人名
中有之字者皆放此

旃

旃之也。𠄎也。詩陟岵曰：「上慎旃哉。」毛傳曰：「旃之也。」采芴曰：「舍旃。」舍旃，箋曰：「旃之言𠄎也。」舍之𠄎，舍之旃，聲相轉。旃𠄎聲相近。旃又爲之𠄎之合聲。

是氏

廣雅曰：「是此也。」常語。

是猶於是也。書禹貢曰：「桑土既蠶。」是降邱宅土。言於是降邱宅土也。詩葛覃曰：「是刈是漚。」正義曰：「於是刈取之，於是漚煮之。」

是猶寔也。詩閟宮曰：「是生后稷。」言姜嫄寔生后稷也。字

或作氏大戴禮帝繫篇曰黃帝娶于西陵氏之子謂之
嫫祖句氏產青陽及昌意言寔生青陽及昌意也禮記
曲禮曰五官之長曰伯是職方言寔主東西二方之事
也論語季氏篇曰求無乃爾是過與言爾寔過也寔字
亦作實僖五年左傳鬼神非人實親惟德是依實亦是
也互文耳是訓爲寔故寔亦訓爲是見寔字下

是猶之也詩氓曰反是不思亦已焉哉言反之不思也
大戴禮文王官人篇以平人而有慮者使是治國家而
長百姓使是使之也襄十四年左傳以晉國之命未是
有也言未之有也是訓爲之故之亦訓爲是互見之字

下

是猶祇也。論語爲政篇曰：今之孝者，是謂能養。言祇謂能養也。是與祇同義。故薛綜注東京賦曰：祇是也。

是猶則也。大戴禮王言篇：教定是正矣。家語作正，教定則本正矣。鄭語曰：若更君而周訓之，是易取也。韋注曰：更以君道導之，則易取。

是猶夫也。禮記三年問曰：今是大鳥獸。荀子禮論篇：今是作今夫。荀子宥坐篇曰：今夫世之陵遲亦久矣。韓詩外傳：今夫作今是墨子天志篇曰：今是楚王會於楚之四境之內。故愛楚之人。荀子榮辱篇曰：今是人之口腹。

富國篇曰今是土之生五穀也竝與今夫同義孟子公孫丑篇曰子豈若是小丈夫然哉是小丈夫夫小丈夫也是訓爲夫故夫亦訓爲是互見夫字下是故是以皆承上起下之詞常語也

時

爾雅曰時是也書堯典曰黎民於變時雍

寔實

爾雅曰寔是也

詩小星傳同

春秋桓六年寔來公羊傳曰寔

來者何猶曰是人來也穀梁傳曰寔來者是來也寔與是同義故秦誓是能容之大學是作寔經傳作實者偕

字耳易既濟九五實受其福坊記實作寔詩小星篇寔命不同韓詩寔作實燕燕篇實勞我心實本亦作寔韓奕篇實壙實整實取實藉鄭箋實當作寔趙魏之東實寔同聲寔是也觀禮伯父實來鄭注今文實作寔皆當以寔爲正

只 旨 咫 軹

說文只語已詞也詩燕燕曰仲氏任只鄘柏舟曰母也

天只不諒人只

毛傳母也天也尙不信我

字亦作軹莊子大宗師篇

只而奚來爲軹

崔謨注軹辭也

楚辭大招句末皆用只字

只亦句中語助也詩樛木及南山有臺采芣苢曰樂只

君子北風曰既亟只且君子陽陽曰其樂只且字亦作

旨左傳襄十一年二十四年及昭十三年引詩竝作樂

旨君子

只詞之耳也襄二十七年左傳曰諸侯歸晉之德只杜

只非歸其尸盟也只猶耳也晉語曰文公學讀書於曰

季三曰曰吾不能行咫句聞則多矣咫與只同言吾但

不能行耳所聞則已多矣韋注咫咫只聞失之又案今

加之也行下有也字則咫字當下屬爲句韋解咫字亦

當在句末矣今注在咫字下故知咫字上屬爲句而行

下本無也字也楚語曰是知天咫安知民則咫亦與只

同韋注咫言少也此言少知天道耳何知治民之法失之

咫詞之則也賈子淮難篇曰陛下於淮南王不可謂薄

矣然而淮南王天子之法句咫蹂促而弗用也皇帝之

令句 咫批傾而不行也又曰陛下無負也如是句 咫淮南王罪人之身也淮南王子罪人之子也又曰是立咫泣沾衿臥咫泣交頤以上諸咫字竝與則同義故連語篇墻薄咫亟壞繒薄咫亟裂器薄咫亟毀酒薄咫亟酸新序雜事篇咫竝作則

啻施智反

翅適

說文啻語時不啻也一切經音義卷三引蒼頡篇曰不啻多也書多士曰爾不啻不有爾土無逸曰不啻不敢含怒秦誓曰不啻如自其口出多士釋文曰啻徐本作翅孟子告子篇曰取食之重者與禮之輕者而比之奚

翅會重莊子大宗師篇曰陰陽於人不翅於父母翅並與啻同字亦作適家大人曰說文適從彡啻聲適啻聲相近故古字或以適爲啻秦策曰疑臣者不適三人不適與不啻同故高注讀適爲翅史記甘茂傳作疑臣者非特三人非特猶不啻也孟子告子篇曰飲會之人無有失也則口腹豈適爲尺寸之膚哉適亦與啻同故趙注曰口腹豈但爲肥長尺寸之膚邪但字正釋適字而孫宗古不爲適字作音蓋己不知其爲啻之借字矣又曰莊子胠篋篇跖之徒問於跖曰盜亦有道乎跖曰何適而無有道邪夫妄意室中之藏聖也入先勇也出後

義也知可否知也分均仁也案何適而無有道邪本作何適其有道邪適與啻同言豈但有道而已哉乃聖勇義知仁五者皆備也後人不知適與啻同而誤讀爲適齊適楚之適因妄改之耳淮南道應篇作奚適其無道也無字亦後人所改呂氏春秋當務篇作奚啻其有道也魯語奚啻其聞之也句法正與此同足正後人妄改之非而陸氏莊子釋文不爲適字作音則所見本已非其舊矣

祇多

詩我行其野曰成不以富亦祇以異毛傳曰祇適也常語也字或作多襄二十九年左傳祇見疏也正義祇作

多云多見疏猶論語云多見其不知量也服虔本作祗見疏解云祗適也晉宋杜本皆作多古人多祗同音家大人曰襄十四年左傳荀偃曰吾令實過悔之何及多遺秦禽多讀爲祗祗適也言若不班師則適爲秦所禽獲而已杜注曰恐多爲秦所禽獲非也又昭二十五年公羊傳子家駒曰季氏得民衆久矣君無多辱賈多亦讀爲祗言君無適自取辱也昭二十九年左傳曰君祗辱賈是也釋文多字無音蓋不知爲祗之僭字引之謹案定十五年左右傳存亡有命事楚何爲多取費賈多亦讀爲祗言事楚則適自取貢獻之費也昭十三年傳曰

祇取辱焉二十六年傳曰祇取誣焉定四年傳曰祇取
勤焉哀十四年傳曰祇取舛焉文義正相合也哀八年
傳不足以害吳而多殺國士不如已也多亦讀爲祇言
不足以害吳人而適傷魯之國士也僖十五年傳曰晉
未可滅而殺其君祇以成惡哀十三年傳曰無損於魯
而祇爲名文義正相合也釋文多字無音皆失之

適

適謂適然也詩伐木曰寧適不來徼我弗顧昭十七年
左傳曰鳳鳥適至是也

適猶是也荀子王霸篇孔子曰審吾所以適人句適人

之所以來我也。上適字訓爲往，下適字訓爲是。言我之
所以往，卽是人之所以來，不可不審也。呂氏春秋晉時
篇曰：王子光見五子胥而惡其貌，不聽其說而辭之曰：「
其貌適吾所甚惡也。」言是吾所甚惡也。劉歆與楊雄書
曰：「今聖朝畱心典誥，發精於殊語，欲以驗考四方之事。」
適子雲攘意之秋也。言是子雲攘意之秋也。

適猶若也。韓子內儲說，鄭袖誡御者曰：「王適有言，必亟
聽從。」王言言王若有言也。又曰：「秦侏儒善於荆王左右，
荆適有謀，侏儒常先聞之。」言荆若有謀也。外儲說右篇
國羊謂鄭君曰：「臣適不幸而有過，願君幸而告之。」言臣

若不幸而有過也

識

識猶適也。家大人曰：成十六年左傳，識見不穀而趨，無乃傷乎？言適見不穀而趨也。晉語作屬，見不穀而下，韋注曰：屬，適也。適與識之同訓，猶適與直之同訓也。孟子告子篇曰：口腹豈適爲尺寸之膚哉？言豈直爲尺寸之膚也。直如直不百步耳之直。識直二字於古音屬職部，適於古音屬錫部。適之爲識，猶適之爲直也。識與適同義而不同音。九經古義謂識當爲適非也。

屬

音燭

屬適也成二年左傳曰下臣不幸屬當戎行杜注曰屬適也昭四年傳曰屬有宗祧之事於武城魯語曰吾屬欲美之韋注亦曰屬適也

屬猶今人言適纔也晉語曰屬見不穀而下無乃傷乎韋注曰屬適也史記留侯世家曰天下屬安定何故反乎

屬猶祇也昭二十八年左傳及晉語竝云願以小人之腹爲君子之心屬厭而已言祇取厭足而已也韋注曰屬適也適小飽足則自節止近之杜以屬爲足古無此訓非也

止

詩草蟲曰亦既見止亦既覯止毛傳曰止辭也

所

所者指事之詞若視其所以觀其所由之屬是也常語也

所猶可也晏子春秋雜篇曰聖人非所與嬉也非猶不也言聖人不可與戲也墨子天志篇曰今人處若家得罪將猶有異家所以避逃之者矣今人處若國得罪將猶有異國所以避逃之者矣今人皆處天下而事天得罪於天將無所以避逃之者矣所以可以也莊子知北

遊篇曰人倫雖難所以相齒言可以相齒也鹽鐵論未
通篇曰民不足於糟糠何橘柚之所厭言何橘柚之可
厭也史記淮陰侯傳曰非信無所與計事者言無可與
計事者也漢書所作可是其證矣所與可同義故或謂
可爲所或謂所爲可互見可字下

所猶若也或也書牧誓曰爾所弗勛其于爾躬有戮言

爾若弗勛也

史記周本紀集解引鄭注曰所言且也義亦相近

詩牆有茨曰所

可道也言之醜也言若可道也僖二十四年左傳曰所
不與舅氏同心者有如白水言若不與舅氏同心也論
語雜也篇曰予所否者天厭之天厭之言予若否也又

宣十年左傳曰所有玉帛之使者則告不然則否言若有玉帛之使也孟子離婁篇曰上無道揆也下無法守也朝不信道工不信度君子犯義小人犯刑國之所有者幸也言國之或存者幸也

所語助也書無逸曰烏呼君子所其無逸言君子其毋

逸也君子謂人君也所語助耳

鄭注君子謂在官長禮者所猶處也皆失之

記檀弓曰君之臣免於罪則有先人之敝廬在君無所

辱命言君毋辱命也

鄭注無所辱命辭不受也則成二所乃語助猶言君毋辱命耳

年左傳曰能進不能退君無所辱命義與此同襄二十七年公羊傳曰無所用盟請使公子鱄約之言毋用盟

也

何注無用爲盟

昭二十五年傳曰君無所辱大禮言君母辱

大禮也

矧

爾雅曰矧況也常語

矧猶亦也書康誥曰元惡大憝矧惟不孝不友言元惡大憝者亦惟此不孝不友之人又曰不率大戛矧惟外庶子訓人惟厥正人越小臣諸節乃別播敷造民大譽弗念弗庸厥厥君言不率大戛者亦惟此厥厥君之人下云亦惟君惟長文義正相近也君與曰百姓王人罔不秉德明恤小臣屏侯矧咸奔走言亦咸奔走也

矧猶又也大誥曰寧王惟卜用克綏受茲命今天其相
民矧亦惟十用言又亦惟卜用也酒誥曰女劼毖殷獻
臣侯甸男衛矧大史友內史友越獻臣百宗工矧惟爾
事服休服采矧惟若疇圻父薄違農父若保宏父定辟
矧女剛制于酒矧惟又惟也下云又惟殷之迪誥臣惟
工是也召誥曰今沖子嗣則無遺壽考曰其稽我古人
之德矧曰其有能稽謀自天言旣曰稽古人之德又曰
稽謀自天也以上二條皆非況之一訓所能該也

爽

爽發聲也書康誥曰爽惟民迪吉康又曰爽惟天其罰

極我皆是也某氏傳訓爽爲明則義不可通凡書言洪
惟爽惟丕惟誕惟迪惟率惟皆詞也解者皆失之

庶

論語先進篇曰回也其庶乎易繫辭傳曰顏氏之子其

殆庶幾乎

詩兔爰正義引易說
曰庶幸也幾覲也

爾雅曰庶幸也庶幾尙

也常語也

尙上

說文曰尙庶幾也字亦作上詩陟岵篇上慎旃哉漢石

經作尙

詩小弁箋曰尙猶也常語

說文曰尙曾也又曰曾詞之舒也

逝 噬

逝發聲也字或作噬詩日月日乃如之人兮逝不古處
言不古處也碩鼠曰逝將去女適彼樂土言將去女也
有杕之杜曰彼君子兮噬肯適我言肯適我也桑柔曰
誰能執熱逝不以濯言不以濯也逝皆發聲不爲義也
傳箋或訓爲遠或訓爲往或訓爲去皆於義未安

率

率用也詩思文曰貽我來牟帝命率育毛傳曰率用也
正義曰釋詁云率由自也由自俱訓爲用故率爲用也

案帝命率育謂天命用此來牟養萬民也箋曰家大人

率循也天命以是循存后稷養天下之功失之

曰書堯典曰蠻夷率服率用也言爲政如此則蠻夷用

服也某氏傳曰相率而來服失之又曰於予擊石拊石百獸率舞率

用也百獸用舞猶上文言神人以和耳又皋陶謨曰於

予擊石拊石百獸率舞庶尹允諧下二句相對爲文率

與允皆用也說見允字下鄭注曰百獸相率而舞衆正之官信得其諧和皆失之鄭注見周官大司樂盤庚曰率籲衆戚出矢言率用也籲呼也戚貴戚

也矢誓也言民不肯遷盤庚用呼衆貴戚之臣出誓言

以曉喻之也誓言猶諾言也爾雅詰義謹也鄭注曰皆所以約勅謹戒衆是也某氏傳曰籲和也

率和衆憂之人出正直之言多士曰予惟率肆矜爾率

皆非是向書後案已辯之

用也肆緩也言予惟用肆赦矜憐爾也君與曰予惟用

閑于天越民句法與此相似

傳曰我惟循殷故事憐愍汝失之辯見經義述聞

呂刑曰故乃明于刑之中率又于民棐彝率用也言能

明于刑之中正用治于民輔成常教也

傳曰循道以詩治於民失之

載見曰率見昭考以孝以享亦謂用見昭考也載見梓

王率見昭考皆指諸侯言之

箋曰伯率之見於武王廟增伯字以成其義失之

家大人曰率語助也文選江賦注引韓詩章句曰聿辭

也聿與率聲近而義同書湯誓曰夏王率遏眾力率割

夏邑有眾率怠弗協

馬注眾民相率怠墮不同失之見史記殷本紀集解

君與

曰率惟茲有陳係又有殷

陳道也言惟茲有道諸臣能係又有殷也率語助耳主肅

注曰循此數臣有陳列之功失之辭立政曰亦越武王
見經義述聞我祖居遂陳于上下
率惟敕功不敢晉厥義德率惟謀從容德案敕安也功
惟安其故事不敢廢文王之義德又惟謀從寬容之德
也兩率字皆語助某氏傳曰武王循惟文王無安天下
之功循惟謀從文王逸周書祭公篇曰俾百僚乃心率
寬容之德皆失之
輔弼予一人孔晁注使百官相以上諸率字皆語助耳
解者皆失之

式

式語詞之用也詩斯干曰式相好矣是也常語也
式發聲也爾雅曰式微式微者微乎微者也詩式微箋
用爾雅云式發聲也

經傳釋詞第九

經傳釋詞第十

高郵王引之

彼

彼匪也。詩桑扈曰：彼交匪敖。襄二十七年左傳說此詩曰：匪交匪敖，福將焉往。成十四年引詩：彼交匪傲。漢書五行志作匪傲。匪傲，采菽曰：彼交匪紆。荀子勸學篇引作匪交匪紆。是彼訓匪也。交讀爲姣。姣，侮也。匪交匪敖，匪交匪紆，皆謂不侮慢也。說者以彼爲彼此之彼，交爲交接之交，失之。辯見經義述聞

末

末無也常語

末猶未也檀弓曰魯莊公及宋人戰于乘邱縣賁父御
卜國爲右馬驚敗績公隊佐車授綏公曰末之卜也未
猶未也之是也指御而言言倉卒出戰未卜戎御故不
得其人以致覆轍蓋以罪縣賁父也

末猶勿也禮記文王世子曰命膳宰曰末有原鄭注曰
末猶勿也勿有所再進

末發聲也哀十四年公羊傳曰其諸君子樂道堯舜之
道與末不亦樂乎堯舜之知君子也末蓋發聲末不亦
不亦也也猶邪也言不亦樂乎後世堯舜之知君子邪

下文制春秋之義以俟後聖以君子之爲亦有樂乎此也正申明此句之意

蔑

蔑無也常語

蔑猶不也成十六年左傳曰寧事齊楚有亡而已蔑從晉矣晉語曰吾有外而已吾蔑從之矣言不從也

比

比皆也說文曰皆俱詞也從比從白徐鍇曰比皆也孟子告子篇曰比天之所與我者先立乎其大者則其小者不能奪也家大人曰比猶皆也言耳目與心皆天之

所與我者而心為大

趙注以比為比方謂比方天所與人性情失之或改比為此改趙注

比方為此乃尤非

秦策曰頓足徒楊犯白刃蹈煨炭斷外於前

者比是也

鮑彪於比下增一比字曰比次也言如此者相欠不一非是

韓子初見秦

篇比作皆齊策曰中山再戰比勝言再戰皆勝也大戴

禮保傳篇曰於是比選天下端士漢書賈誼傳比作皆

薄

薄發聲也詩葛覃曰薄汙我私薄滌我衣又芣苢曰薄

言采之傳曰薄辭也時邁曰薄言震之韓詩薛君傳與

毛傳同

後漢書李固傳注引

每

每雖也。爾雅曰：每有雖也。詩常棣曰：每有良朋。況也。永歎。又曰：雖有兄弟，不如友生。每有猶雖有耳。箋曰：雖有善同門來茲對之長歎而已。

不 丕 否

不弗也常語

玉篇曰：不，詞也。經傳所用，或作丕，或作否，其實一也。有發聲者，有承上文者。其發聲者，書而伯戡黎曰：我生不有命在天。某氏傳曰：我生有壽命在天，蓋不爲發聲。不有有也，與他處不訓爲弗者不同。不有命在天，下不須加乎字以足之。史記殷本紀云：我生不有命在天，乎失之矣。康誥曰：惟乃丕顯考文王。丕顯考，顯考也。通作不顯。毛詩曰：不顯顯也。酒則上一字乃發聲，箋解爲豈不顯，失其意矣。酒

詰曰丕惟曰爾克永觀省

此與丕訓為大者不同

又曰

女丕遠惟商考成人宅心知訓召詰曰其不能誠于小

民

丕詰詞其不能其能也

又曰丕若有夏歷年洛詰曰

公稱丕顯德

丕顯德顯德也丕詰詞

多士曰丕靈承帝事

丕詰詞

靈承也多方曰丕克靈承于旅又曰靈承于旅

君奭曰丕單稱德又曰丕承無

疆之恆多方曰罔丕惟進之恭又曰爾尚不忌于凶德

不語詞不忌忌也繙衣鄭注曰忌之言戒也言以凶德為戒也傳解為不自忌入於凶德失之

文侯之

命曰丕顯文武緇衣引甫刑曰播刑之不迪

不語詞不迪迪也故

古文尚書作播刑之迪鄭以不為衍文失之

孟子滕文公引書曰丕顯哉文

王謨丕承哉武王烈

顯哉承哉贊美之詞丕則發聲也字通作丕詩清廟曰丕顯丕承傳

云頌於天矣見承於人矣則一不為發聲可知箋乃云是

不光明文王之德與是不承一顧文王志意與失其意矣

趙注訓丕為大亦失之逸周書大匡曰二三子不尚助

不敷下不字訓為弗上不字則皇門曰丕承萬子孫祭

公曰公稱丕顯之德又曰我不則寅哉寅哉孔注云不則言則也

芮良夫曰不其亂而詩有苦葉曰濟盈不濡軌傳云

也由輯以下為軌又解雉鳴求其牡云違禮義不由其

道猶雉鳴而求其牡矣飛曰雌雄走曰牝牡箋云渡溪

永者必濡其軌言不濡者喻夫人犯禮而不自知雉鳴

反求其牡喻夫人所求非所求案軌車轡頭也去地三

尺有三寸濟盈無不濡軌之理不蓋語詞不濡濡也言

濟盈則濡軌此理之常也而違犯禮義者何反其常乎

壯猶雄也正義曰飛曰雌雄走曰牝牡此其定例耳若

敬則通故書曰牝雞之晨傳曰獲其雄狐是也據此則

雌雄亦得稱牝牡雉鳴求其牡者謂求其雄也言鳥獸

所求必於其耦何夫人之所求非其耦乎牡即雉之雄

者故曰其牡若屬之走獸傳云郭然言不得言其矣傳箋失之常棣曰郭不轉轉郭然言

外發也轉轉光明也則不字乃語詞郭不轉轉郭然言猶言天

之沃沃耳箋云承華者曰郭不當為拊拊郭足郭足得

華之光明則轉轉然威古聲不拊同案詩詠草木之華

皆直美其華之色無以郭足言之者且轉轉光明華色

則然郭足隱在華下安所見其轉轉哉鄭亦知郭足不

得言轉轉乃為之說云郭足得華之光明則轉轉然威

迂回而難通矣王肅述毛云不轉轉言轉轉也以與兄

弟能內陸外禦則強盛而有光耀若常棣之華發也斯

言得車攻曰徒御不警大庖不盈傳云不警警也不盈訓弗者不同不必增字以足之解為豈不警何人斯曰

豈不盈乎也箋謂反其言美之失其意矣何人斯曰

否難知也否語詞否難知難知也言其心孔艱不可測

否難知也失之桑扈曰不戢不難受福不那傳云戢聚也

難知也那多也不多多也則不為語詞箋乃云不自斂

以先王之法不自難以亡國之戒則其受福祿亦不多

也失苑柳曰有苑者柳不尚息焉箋云有苑然枝葉茂盛之柳行路之人豈
有不庶幾欲就之止息乎案不語詞尚尚也是正言非反言故句末用焉字不有苑者柳不尚
惕焉文王曰有周不顯帝命不時傳云有周周也不顯
為語詞猶有為語詞也箋乃云周之德不光明乎天命
之不是乎失之此不字與訓弗者不同不必增乎字以
足其又曰不顯亦世為不世顯德乎失之世之不顯語
詞世之不顯世之顯也若作不顯乎解又曰其歷不億
則與之字文義不相承矣以是明之
不語詞不億億也商之孫子其歷不億猶曰子孫千大
億耳箋以為不徒億失之趙岐孟子注誤與箋同
明日不顯其光傳曰然後可以顯其光輝則不為思齊
日不顯亦臨傳云以顯臨之則不為語詞箋乃云有賢
幽隱之處此皆誤以不為弗故說之多歧不知不顯之
不語詞與他處訓為弗者不同也又案亦字語詞與亦

既見止亦汎其流之亦同非謂顯因臨不顯亦臨也例
以下句之無射亦係文王之不顯亦世而文義自明
又曰康戎疾不殄烈假不瑕傳云大疾害人不絕之
云屬假皆病也暇已也大疾害人不絕之而自絕為
屬假之行不己之而自已矣案不語詞不殄殄也不暇
瑕也言大疾則絕矣屬假之病則已矣漢唐公房碑云
屬假不遐去其輒斯德祐之效也然則屬假當作病
不暇與遐同戎疾之絕屬假之已皆鬼神祐祐也不殄
不暇文義已足不必迂回其說而云不絕之而自絕不
己之而不聞亦式不諫亦入傳云言性與天合也正義
自己也云毛以為言文王之聖德
自生知無假學習不聞人之道說亦自合於法不待
之諫諛亦自入於道案不語詞不聞聞也不諫諛也式
用也入納也言問善言則川之進諫則納之宣二年左
傳曰諫而不入則莫之繼也是納諫為入也傳說失之
箋又云有仁義之行而不問達者亦用之助祭有孝節
之行而不能諫乎者亦得入其說尤疏亦字亦語詞豈
謂問而不諫亦入邪下武曰不遐有佐傳云遼夷來佐
諫固人不諫亦入邪

生民曰上帝不寧不康禋祀傳曰不寧寧也不康康也

不安之又不安徒以禋祀而無人道失之卷阿曰矢詩不多傳云不

民是不承今本作萬民靡不承釋文靡不承一本靡作

乎言承順也不為靡字作解則一本為長不語詞不承

承也爾雅云是則也萬民是不承言萬民則承順之矣

不須加乎字崧高曰不顯申伯傳云不顯申伯顯矣申

謂豈不光顯韓奕曰不顯其光與大明不顯其光同正

有光榮召旻曰維昔之富不如時維今之疾不如茲

人云不語詞不如時如是也不如茲如此也疾貧也

文云疾字或作災說文災貧病也廣雅災貧也災與富

相對為文言昔也賢人會祿其富如是今也賢人失所

其貧如此也變貧言疾以與富為韻耳傳解維昔之富

不如時云在者富仁賢今也富饒倭解維今之疾不如

茲云今則病賢也變云時今時也茲此也此者此古昔

明王蓋皆訓不又曰池之竭矣不云自頻箋云池水之為弗失之矣

今池竭人不云出外無益者與言由泉之竭矣不云自

中也又曰不裁我躬箋云是不裁王之身乎清廟曰

不顯不承說見維天之命曰於乎不顯烈文曰不顯維

德不發聲箋解為不執競曰不顯成康不顯成康於穆

詞皆在上傳解那曰亦不夷懌箋云亦不說懌乎言說

平字以禮記射義曰幼壯孝弟耆耄好禮不從流俗脩

身以俟外者不在此位也不從之不訓為弗不在此之不

為句云有此行不失之曰知錄謂幼又曰好學不倦好

禮不變旄期稱道不亂者不在此位也不倦不變不亂

上當有非字以語急而省之尤非

在之不僖二十八年左傳曰奉揚天子之丕顯休命

為語詞丕顯休命顯休命也宣四年曰若敖氏之鬼不其

方曰降顯休命于成湯

餒而襄二十九年曰先君若有知也不尚取之

不尚尚也尚當昭三年曰昧且不顯

取女叔侯殺之明其德杜注訓晉語曰夫晉公子在此君之匹也君不

亦禮焉

傳君其禮之筆

律筆聲近而語釋邱曰夷上洒下不滌

釋不則發聲也以為衍釋魚曰龜左倪不類右倪不若

字失之寬博吾不憚焉

不語詞不憚憚也言雖被褐之夫吾懼

發聲故亦可省之而稱露稱若孟子公孫丑篇曰雖褐

寬博

輕驚懼楚詞招菀曰被文服纖麗而不奇些王注云不奇奇也猶

之說矣詩云不顯文王不顯顯也東周策曰今君將施於大人

大人輕君施於小人小人無可以求又費財焉君必施

於今之窮士不必且為大人者故能得欲矣不必必也

應注曰不必猶不可失之秦策曰楚國不尚全事高注曰不尚尚也

國尚可全明皆發聲也其承上文者書禹貢曰三危既

宅三苗不敘不為語詞皆發聲也其承上文者書禹貢曰三危既

播告之修不匿厥指此不字訓為弗王用丕欽罔有逸

言民用丕變又曰女克黜乃心施實德于民至于婚友

丕乃敢大言女有積德丕乃敢言於是也傳解為又曰

女萬民乃不生生暨予一人猷同心先后丕降與女罪

疾猶言乃降與女罪疾又曰茲予有亂政同位具乃具玉乃祖乃

父丕乃告我高后又曰迪高后丕乃崇降弗祥康誥曰

至于旬時丕蔽要囚小司寇曰至于旬乃蔽之文義正同又曰無作怨勿

用非謀非彝蔽時忱丕則敏德丕則猶言於是也既斷行是誠信之道於是也

行德教也傳解為梓材曰后式典集庶邦丕享言言能大法敏德失之

邦於是庶邦來享也召誥曰厥既命殷庶庶殷丕作言既命庶殷庶殷力作也

無逸曰乃逸乃諺既誕否則侮厥父母漢石經否作不不則猶於是也

言既已妄誕於是輕侮其父母也傳謂已又曰今日耽

欺誕父母不欺則輕侮其父母文義難通又曰今日耽

樂乃非民攸訓非天攸若時人丕則有愆言是人於是

有過也傳謂

是人則大有過既誤訓又曰乃變亂先王之正刑至于

大又亂其字之先後矣

小大民否則厥心違怨否則厥口詛祝

詛祝也立政曰我其立政立事準人牧夫我其克灼知厥

若丕乃俾亂也言既灼知厥若於是使治之逸周書祭公

曰天之所錫武王時疆土丕維周之基丕維后稷之受

命是永宅之維我後嗣旁建宗子丕維周之始升易呼

天子三公監于夏之既敗丕則無遺後難言於是無至

于萬億年守序終之既畢丕乃有利宗言於是利宗也丕維

文王由之皆承上之詞也凡此皆古人屬詞之常例後

世解經者但知丕之訓弗否之訓丕之訓大而不知

其又爲語詞於是強爲注釋而經文多不可通矣三危
既宅三苗不欽厥既命殷庶庶殷丕作既誕否則侮厥
父母皆先言既而後言不其爲承上之詞顯然明白而
史記夏本紀乃云三苗大欽則知三代語言漢人猶難
徧識願學者比物醜類以求之

不存非也呂刑曰何擇非人何敬非刑何度非及墨子

尚賢篇引作女何擇否人

今本石誤作言蓋篆書否字作否言字作否二形相似誤

書否字或作否言字或作音亦相似故否誤爲言

何敬不刑何度不及尚同篇

曰先王之書相年之道曰夫建國設都乃作后王君公
否用泰也輕大夫師長否用佚也維辯使治天均則此

語古者上帝鬼神之建設國都立正長也非高其爵厚
其祿富貴游佚而錯之也將以爲萬民興利除害富貴
貧寡安危治亂也是不也否也皆非也故非敢謂之不
敢士相見禮主人對曰某不敢爲儀今文不爲非是也
苟非謂之苟不中庸曰苟不至德至道不凝焉正義曰
不非也
又曰苟不同聰明聖知達天德者其孰能知之是也豈
非謂之豈不莊子讓王篇先生不受豈不命耶荀子君
道篇是豈不必得之道也哉是也不與非同義故有
時互用大戴禮王言篇畢弋田獵之得不以盈宮室也
徵斂於百姓非以充府庫也墨子非命篇上之所賞命

固且賞非賢故賞也上之所罰命固且罰不暴故罰也
不亦非也

不召無也堯典曰不德忝帝位言無德也傳曰召不也

王風君子于役曰不日不月言無一定之日月序所謂

行役無期度也周官大司馬曰若師不功則厭而奉主

車言師無功也與上若師有功相對為文大學曰其本亂而末治者

否矣言事所必無也下文其厚者薄而其所薄者莊厚未之有也與此文異而義同莊

十四年左傳曰人無戮焉妖不自作自由也言妖無由

作也正義曰妖孽不能自作失之晉語曰不本而犯言無本也無本謂言

不本於兒兒不本於情即上文所謂中不濟而外強論之外內類而言反之也韋注謂行不本仁義失之

語先進篇曰人不閉於其父母昆弟之言言人無有非

其父母昆弟之言也

說見經義述聞

故洪範無偏無黨無黨無

偏史記張釋之馮唐傳贊引作不偏不黨不黨不偏呂
刑鯨寡無蓋墨子尚賢篇引作鯨寡不蓋秦策一戰不
勝而無齊韓子初見秦篇作不齊

不母也勿也大雅板曰無敢戲豫無敢馳驅昭三十二
年左傳引作不敢戲豫不敢馳驅無與母通不亦母也
召誥曰王不敢後用顧畏于民艮言王顧畏民艮母敢
或後也孟子滕文公篇我且往見夷子不來言我將往
見夷子夷子勿來也

非

玉篇曰非不是也常語

版虔漢書蕭望之傳注曰非不也書般庚曰肆予冲人
非廢厥謀言不廢厥謀也又曰各非敢違卜某氏傳曰
君臣用謀不敢違卜也大戴禮記係傳篇人性非甚相
遠也漢書賈誼傳非作不

匪

詩木瓜傳曰匪非也常語

匪不也詩殷武曰稼穡匪解言不懈也車輦曰匪飢匪
渴箋曰雖飢不飢雖渴不渴周語引頌曰莫匪爾極韋

注曰匪不也無不於女時得其中也

廣雅曰匪彼也家大人曰詩小旻曰如匪行邁謀是用

不得于道襄八年左傳引此詩杜注曰匪彼也如匪行

邁謀是用不得于道猶下文言如彼築室于道謀是用

不潰于成亦猶雨無正曰如彼行邁也

箋曰匪非也不行而坐圖遠近

失又定之方中曰匪直也人

傳曰匪徒庸君訓匪直爲匪徒訓人爲庸君皆失之

秉心塞淵言彼正直之人秉心塞淵也匪風曰匪風發

兮匪車偈兮言彼風之動發發然彼車之驅偈偈然也

傳曰發發飄風非有道之風偈偈疾驅非有道之車漢書王吉傳吉引詩說曰是非古之風也發發者是非古

之車也偈偈者皆失之

都人士曰匪伊垂之帶則有餘匪伊卷之

髮則有旃言彼帶之垂則有餘彼髮之卷則有旃猶上文
言彼都人士垂帶而厲彼君子女卷髮如蠶也箋曰非故垂此帶也帶於禮自當有餘也女非故卷此髮也髮於禮自當有旃也失之解者訓匪爲非故多不安

無母亡忘矣

無母勿也常語

孟康注漢書貨殖傳曰無發聲助也字或作母詩文王曰無念爾祖傳曰無念念也抑曰無競維人執競曰無競維烈傳竝曰無競競也箋解抑篇曰無疆於得賢人也解執競及武篇曰無疆乎其克隱十一年左傳無寧商之功業皆誤以爲有無之無

茲許公復奉其社稷襄二十四年無寧使人謂子子實
生我杜注竝口無寧寧也襄二十九年且先君而有知
也母寧夫人而焉用老臣服虔注曰母寧寧也寧自取
夫人將焉用老臣乎魯語曰彼無亦置其同類韋注曰
無亦亦也周語曰無亦擇其柔嘉無亦亦也韋注曰無亦不亦也失之下晉
語又曰王無亦鑒于黎苗之王晉語曰公子無亦晉之
柔嘉是以甘食楚語曰女無亦謂我老耄而舍我而又
謫我無亦亦也舍謂不諫戒也言我老矣女亦謂我老而舍我可也奈何又謫我邪是自謂其老不欲人之見而諫戒之也故左史曰唯子老耄故欲見以交儆
子又引衛武公之言曰無謂我老耄而舍我辯見經義
述成二年左傳曰無亦唯是一矢以相加遺襄二十四
問

年曰無亦是務乎昭二十三年曰無亦鑒乎若敖紛冒
至于武文竝同是無爲發聲也又書微子曰今爾無指
告子顛隳若之何其某氏傳曰汝無指意告我殷邦顛
指告當爲一句無發聲無指告指告也讀曰底底致
也戰九年左傳曰無所底告盤庚曰其惟致告是也言
我殷將顛隳若何而可今爾其致告我以救之道乎
倒文則曰今爾無指告子顛隳若之何其耳作傳者不
知無爲發聲指告爲底告故文義詩小旻曰如彼泉流
乖而句讀亦舛也說詳經義述聞詩小旻曰如彼泉流
無淪胥以敗抑曰如彼泉流無淪胥以無發聲無淪
以敗也言周德日衰如泉水之流滔滔不返無淪胥以
賢否將相率而底於敗也無淪胥以淪胥以也
言皇天弗尚禍亂日生如泉水之流滔滔不返周之君
臣將相率而底於敗也雨無正曰若此無罪淪胥以
鋪語意正相近箋解小旻則曰無相率爲惡以自竭
敗解抑篇則曰無自率行爲惡皆與之以俱誤以無

為戒禮記祭義曰天之所生地之所養無人為大

人為大也人戴禮記曾子大孝篇天之所生地之所養

人為大矣則無為發聲可知正義曰天地生養萬物之

中無如人最昭二十六年左傳曰我無所監夏后及商

杜注曰言追監夏商管子立政九敗解篇曰人君唯母

之亡是無為發聲也下無好同則羣臣賓客莫敢言兵人君唯

聽寢兵也下無好同則羣臣賓客莫敢言兵人君唯

母聽兼愛之說則視天下之民如其民視國如吾國人

君唯無好全生則羣臣皆全其生而生又養又與人君

唯無聽私議自貴則民退靜隱伏窟穴就山非世間上

輕爵祿而賤有司人君唯無好金玉貨財必欲得其所

好則必易之以大官尊位尊爵重祿人君唯毋聽羣徒

比周則羣臣朋黨蔽美揚惡人君唯母聽觀樂玩好則
敗人君唯母聽請謁任譽則羣臣皆相爲講人君唯無
聽諂諛飾過之言則敗墨子尚賢篇曰古者聖王唯母
得賢人而使之般爵以貴之裂地以封之終身不厭賢
人唯母得明君而事之竭四肢之力以任君之事終身
不倦又曰今唯母以尚賢爲政其國家百姓使國之爲
善者勸爲暴者沮又曰然昔吾所以貴堯舜禹湯文武
之道者何故以哉以其唯母臨眾發政而治民使天下
之爲善者可而勸也爲暴者可而沮也

母發聲母得得也母以以也母

臨眾發政臨眾發政也下尚同篇之母立母以非攻篇之母興起母廢一時節川篇之母興師節葬篇之母法

無以天志篇之母明非樂篇之母造為以上皆發聲

母處母為樂母在乎並同詳讀書雜誌

無轉語詞也字或作亾或作忘或作妄或言亾其或言

意亾或言亾意亦或言將妄其義一也墨子非攻篇曰

為其上中天之利而中中鬼之利而下中人之利故譽

之與意亾非為其上中天之利而中中鬼之利而下中

人之利故譽之與意與抑同亾與無同皆詞也漢書貨殖傳寧爵無才孟康注曰奴自謂寧

欲免去作民有爵邪無將止為才氏作奴乎文義與此同非命篇曰不識昔也三代

之聖善人與意亾昔三代之暴不肖人與莊子外物篇

曰抑固婁邪亾其略弗及邪郭象注曰略無弗及之事也既誤以為有無之無又

亂其

大矣呂氏春秋審為篇曰君將攫之乎亾其不與愛類

篇曰必得宋乃攻之乎亡其不得宋且不義猶攻之乎

淮南脩務秦策曰意者臣愚而不聞於王心邪亡其言

臣者將賤而不足聽邪今本亡謬作已錢本會本並作亡與史記范雎傳合索隱曰亡

猶輕蔑也失之趙策曰不識三國之憎秦而愛懷邪忘其憎懷

而愛秦邪亡與又曰秦之攻趙也倦而歸乎亡其力尚

能進愛王而不攻乎亡其今本依史記虞卿傳改作王以其錢本劉本並作亡其與新序

善謀韓策曰聽子之謁而廢子之道乎又亡其行子之

術而廢子之謁乎又字後人所加韓子外儲說篇無又字史記魯仲連傳

亡意亦捐燕奔世東游於齊乎亡意亦皆詞也意亦者抑亦也索隱斷亡意為

句注曰無還燕意失之越語曰道固然乎妄其欺不穀邪妄與亡同當讀

寧毋無刁之無鄭注僞行曰妄之言無也莊子庚桑楚篇曰是其於辯也將

妄鑿垣墻而殖蓬蒿也將妄與將無同也與邪同郭象注將令後世妄行穿鑿而施機

亂也失之新序雜事篇曰先生老僊與妄為楚國妖與楚策作先

生老皆乎將以為楚國妖辭乎則妄為語助以上皆轉語詞

無猶得無也士衷禮筮宅辭曰哀子某為其父某甫筮

宅度茲幽宅兆基無有後艱鄭注曰得無後將有艱難

乎又卜葬日辭曰哀子某來日卜葬其父某甫考降無

有近悔鄭注曰得無近於咎悔者乎

無乃猶得無也宣十二年公羊傳注周語曰其無乃廢先王之訓

而王幾頓乎隱三年左傳曰無乃不可乎

無寧猶無乃也。家大人曰：昭二十二年左傳曰：無寧以

爲宗羞。言宋若自誅華氏，無乃以爲宗族之羞，不如使

楚戮之也。

杜注曰：無寧，寧也。失之。寧訓爲乃，見寧字條下。

無不也。

薛綜東京賦注曰：無猶不也。

書洪範：無偏無黨。墨子兼愛篇

漢書谷永傳注：竝引作不偏不黨。呂刑：鰥寡無蓋。墨子

尚賢篇：引作鰥寡不蓋。論語：學而篇：食無求飽。居無求

安。漢書谷永傳：引作居不求安，食不求飽。老子下篇：聖

人不積。魏策：引作聖人無積。詩：皇矣：不大聲以色。不長

夏以革。墨子天志篇：引作毋大聲以色，毋長夏以革。毋

與無通。禮記月令：五穀無實。呂氏春秋孟秋紀：作五穀

不賓三年問無易之道也鄭注曰無易猶不易也荀子
禮論篇作不易之術又至外不窮夫焉能相與羣居而
不亂乎荀子作無窮無亂郊特牲曰昆蟲毋作言不作
也大傳曰可無慎乎言不慎也文十二年左傳曰國無
陋矣言不陋也成二年曰無顧上宜言不顧土宜也論
語雅也篇毋以與爾鄰里鄉黨乎毋與無同言九百之
粟爾雖不欲然可分於鄰里鄉黨爾不以與之乎言當
與之也

孔注讀毋字絕句云祿法
所當受無以讓也失之

無否也襄九年左傳曰穆姜始往東宮而筮之史曰君
必速出姜曰亡

杜注曰亡猶無也案
亡與無同猶否也

莊子大宗師篇曰

子祀曰女惡之乎曰亡予何惡至樂篇曰支離叔曰子惡之乎滑介叔曰亡予何惡達生篇曰請問蹈水有道乎曰亡吾無道亡與無同言者也

無非也禮記禮器曰苟無忠信之人則禮不虛道

易繫辭傳

曰苟非其人道不虛行文義與此同

言非忠信之人則禮不虛行也管子

形勢解曰無德厚以安之無度數以治之則國非其國而民無其民言國非其國而民非其民也

無未也荀子正名篇志輕理而不重物者無之有也外重物而不內愛者無之有也行離理而不外危者無之有也外危而不內恐者無之有也言未之有也

罔

罔無也常語

罔猶不也書盤庚曰罔罪爾眾某氏傳曰今我不罪女
微子曰乃罔畏畏傳曰上不畏天災下不畏賢人是也
又盤庚曰罔知天之斷命言不知天將斷絕女命也詩
抑曰罔敷求先王克共明刑言女不克廣索先王之明
刑而執守之也

箋曰無廣索先王之道與
能執法度之人乎夫之

罔猶得無也家大人曰楚辭九章曰欲高飛而遠集兮
君罔謂女何之洪興祖補注曰言欲高飛遠集去君而
不住得無謂女遠去欲何所適也

王注以爲
罔失之

微

微無也詩式微曰微君之故周語曰微我晉不戰矣毛
傳韋注竝曰微無也宣十二年公羊傳曰君之不令臣
交易爲言是以使寡人得見君之玉面而微至乎此微
無也此謂上文錫之不毛之地也言寡人得見君而徒
以君之不令臣爲惡言激怒使然耳而其實貳而伐之
服而舍之無或至於滅國遷君若此之甚也何注曰微
喻小也積
小言語以致於此失
之說見經義述聞
微非也詩柏舟曰微我無酒箋曰非我無酒禮記檀弓
曰雖微晉而已注曰微非也

勿

勿無也莫也常語

廣雅曰勿非也詩靈臺曰經始勿亟箋曰度始靈臺之
基趾非有急成之意

勿語助也詩節南山曰弗問弗仕勿罔君子勿罔罔也

言弗問而察之則下民欺罔其上矣

傳曰勿罔上行也則與弗問弗仕

之文不相承箋曰勿當作未不問而

察之則下民末罔其上矣亦未妄 僖十五年左傳曰

史蘇是占勿從何益勿從從也言雖從史蘇之言亦無

益也

杜注曰雖復不從史蘇不能益禍失之

與他處訓無者不同

夫

夫猶乎也歎辭也

趙岐注孟子告子篇曰夫歎辭也

在句末者易繫辭

傳曰古之聰明睿知神武而不殺者夫禮記檀弓曰爾責於人終無已夫三年之喪亦已久矣夫是也在句中者檀弓曰仁夫公子重耳論語子罕篇曰逝者如斯夫不舍晝夜是也

夫指事之辭也禮記檀弓曰子惡夫涕之無從也禮運曰是故夫禮儔二十四年左傳曰夫祛猶在宣二年曰公嘅夫葵賈周語曰然則夫支之所道者必盡知天地之爲也是也

夫猶彼也禮記三年問曰夫豈能相與羣居而不亂乎

荀子禮論篇夫作彼襄二十六年左傳曰夫獨無族如
乎楚語作彼有公族甥舅齊語曰夫爲其君勤也管子
小匡篇夫作彼哀二十五年左傳曰彼好專利而妄夫
見君之入也將先道焉夫亦彼也漢書賈誼傳曰彼且
爲我歿故吾得與之俱生彼且爲我亡故吾得與之俱
存夫將爲我危故吾得與之皆安顏注曰夫猶彼人耳
是也又大戴禮衛將軍文子篇孔子稱澹臺滅明之行
曰獨貴獨富君子恥之夫也中之矣禮記檀弓曰夫由
賜也見我夫猶彼也皇侃曰夫謂丈夫失之文十三年左傳曰請東人
之能與夫二三有司言者十四年曰齊公子元不順懿

公之爲政也終不曰公曰夫己氏宣二年曰夫其口眾
曰寡襄二十六年曰夫不惡女乎三十一年曰使夫往
而學焉夫亦愈知治矣昭七年曰君以夫公孫段爲
能行其事十六年曰我皆有禮夫猶鄙我晉語曰夫無
乃以國故而行彊於君又曰夫豈惠其民而不惠於其
父乎又曰今夫以君爲紂鄭語曰夫其子孫必光啟土
楚語曰夫其有故又曰夫先自敗也已焉能敗人又曰
余善之夫乃其寧莊三十二年公羊傳曰夫何敢是將
爲亂乎夫何敢荀子解蔽篇曰不以夫一害此一夫皆
彼也

夫猶此也禮記檀弓曰夫夫也為習於禮者鄭注曰夫

夫猶言此丈夫也

夫夫猶是夫也檀弓曰是夫也多言

又曰從母之夫舅

之妻夫二人相為服

今本夫二人譌作二注曰夫二人辨見經義述聞

猶言此二人也祭義曰忌日不用非不祥也言夫曰志

有所至而不敢盡其私也注曰親以此日亡其哀心如

喪時昭十六年左傳曰且夫易不可以占險杜注曰夫

易猶此易是也又僖三十年左傳曰微夫人之力不及

此成十六年曰夫二人者魯國社稷之臣也襄二十六

年曰君淹恤在外十二年矣而無憂色亦無寬言猶夫

人也

言猶然如此之人也

魯語曰鼈於何有而使夫人怒也晉語

曰且夫戰也微卻至王必不免又曰夫二子之德其可
忘乎昭二十五年公羊傳曰有夫不祥論語先進篇曰
夫人不言言必有中孟子公孫丑篇曰夫士也亦無王
命而私受之於子夫皆此也

夫猶凡也果也孝經疏引劉瓛曰夫猶凡也高誘淮南
本經篇注曰夫人衆人也書召誥曰夫知保抱提攜持厥

婦子

正義曰夫猶人人言天下盡然也

顧命曰思夫人自亂於威儀正義

曰夫人

衆國各自治正於威儀

考工記曰夫人而能爲鏽也

夫人猶衆人也鄭注

以夫爲丈

禮記祭統曰上有大澤則民夫人待於下流

襄八左傳曰夫人愁痛

杜注曰夫人猶人人也

二十七年曰且

吾因宋以守

句

病則夫能致夙昭七年曰紂為天下通

逃主萃淵藪故夫致夙

注曰人欲致夙討紂

哀十六年曰民知

不夙其亦夫有奮心周語曰夫人奉利而歸諸上

韋注曰夫

人猶人也

楚語曰夫人作享家為巫史皆是也

夫發聲也周官司烜氏曰掌以夫遂取明火於日鄭司

農曰夫發聲也禮記少儀曰加夫撓與劒焉鄭注曰夫

或為煩皆發聲

經傳釋詞第十